

姓氏小傳
愛廢齋詩鈔
鐵橋詩晦
鬆齋詩存
坐看雲起樓詩鈔

湖州十家詩選

湖州十家詩選

序

吾湖本人文淵藪自沈記室譜韻後
風雅代有傳人走弱冠從周縵叟俞
曲園諸師遊請益之間每慨鄉先達
著述積久而湮沒不彰者不知凡幾其
有志纂輯如鄭氏湖錄徐氏湖佚沈

輪翁編修湖州詩撫戴服塘太常吳
興詩詒陸潛園觀察吳興詩存然由乾
嘉道咸以訖同光詩家亦復麻立或已杵
而版佚無存或待梓而志終未逮迨出宰
於九峯三泖間公餘之暇取前賢及師
友之遺集而讀之深嘆卷帙浩繁琬鏤

匪易擇其有關世道人心及古蹟感賦諸
作編成三十家非敢云揀選政藉以留邦
家文獻之攷徵補志乘見聞之闕畧陸
績以付手民適政局變更掛冠歸里未
告成功今讀禮家居偶檢梨棗或未雕
竣或被蟲殘惟十家尚稱完璧社友僉

忠先為刷印俾廣流傳其餘以俟嗣出
云爾時庚申冬十二月石瓢蔣鴻書

於月河草堂



姓氏小傳

沈棠臣

字持謙一字愛廬歸安人貢生薦舉經學特科

嚴可均

字鐵橋歸安人嘉慶庚申舉人建德教諭

王誠

字存之武康人道光乙酉拔貢癸卯舉人

許震藩

改名國年字萊盟烏程人咸豐壬子舉人貴州知縣

李煊

字仲綯歸安人咸豐己未副貢

戴望

字子高德清人諸生

施補華

字均甫烏程人同治庚午舉人甘肅道

袁秉燹

字孝宰歸安人廩貢生候選訓導

朱光笏

字幼琳歸安人廩貢生江蘇縣丞

鈕承榮 字蓮嗣 烏程人 廩貢生

宣統紀元

忘廢齋詩鈔

朱祖謀題

歸安蔣氏月
河草堂藏板

悉度齋詩鈔

歸安愛廬沈氏藏書

廣陵濤

東南壯觀詫錢唐八月洪濤勢激揚
遠望海亶飛雪練倏來沙渾驟風檣
聲搖地軸山根動浪打天門野氣涼
素蜺橫空紛絡繹瓊鰲駕水劃軒昂
驚魂庀庀奔雷發炫目淋淋白鷺翔
賈客初來霜滿髻吳兒戲弄水爲腸
江名羅刹真奇險神說靈胥詎渺茫
共訝黑風吹海立每思强弩築堤長
盛衰應月還隨日生落依陰復附陽
欲溯濫觴從太末好同擊楫向餘杭
三千賦客推居士

用錢惟善事

第一詞臣品上皇

用吳琚事

今看峨峨高二丈媿無

健筆賦沆洋

丙辰二月杪葆之招隨輪翁伯兄菁山餞梅並過

翠微菴分韻

侵曉林喧喚婦鳩乘春白舫恣夷猶三點四點雨餘雨
一家兩家樓外樓把已殘枝誇獨賞到重來地話同遊
酒闌理楫晴光漾路轉山塘景物幽

翠微菴內曾三宿屈指十年取次遊
尋雪特來仍爽約築樓長住更何求
雙松無復門前峙一澗依然石上流
却喜緋桃添百本花開還擬醉新篴

種松歌爲吳上舍言錫作

太湖之水三萬六千頃中涵七十二朶青芙蓉清秋來

登碧螺峯頂望却怪撐空突兀山多童側聞鳳凰山小

最幽勝迴翔聳峙東山東延陵之裔世居于其下武山

武陵將母同

上舍世居武山鳳凰其支山也

天儀先王昔好事

上舍曾祖也

連岡手種萬樹松中經霍潦湖水溢冰夷驅去蒼鱗龍

六十年來歎濯濯鳳凰却作寒號蟲君今補植勞護養

蒙茸斗覺毛羽豐行人憇坐得嘉蔭長夏謾謾來清風

七本甯羨鄭子溥一株應笑孫興公君家代有濟人惠

其區風月橋如虹

橋爲上舍高祖中翰蘿屋先生所建

迄今往來無病涉

嗣孫食報將何窮酒酣耳熱安用歌慷慨會見寢昌寢
熾人稱雄堪笑李衡貽後計何短龍洲但種千樹洞庭
紅

題王珠峯觀察枚卜三公圖

松葉盈尊一笑開山紅澗碧暫徘徊公才身繫蒼生望
何俟庭中手植槐

洪崖右拍左浮邱雪藕冰桃互勸酬試向黑頭公笑問
可容碧落侍郎不

寄友

湖海襟期志四方歸來雙鬢已蒼蒼揮毫怪發枯籐紙

得句香生古錦囊
蘭葉紛披金蕤重
松身夭矯翠鱗張
故林小憇翩然去
何日篝燈話對牀

萬松岡雪中會文

瓊林高耀萬松岡
弟子誦誦坐兩廊
筆底花生爭燦爛
行間玉潤鬥琳琅
鏤冰剪水終無質
成壁爲珪始有章
風雅總持蘇玉局
可容白戰聚星堂

山居四首集永嘉四靈詩

趙靈秀字紫芝
徐照字靈暉

翁卷字靈舒
徐玘字靈淵

一徑蒼苔合時當
新雨餘惟憐籬下菊
不放手巾書白
以閒爲樂那兼病
未除野人無別事
只欲似樵漁

舒秀淵暉

淵舒
秀舒

病多妨野興未晚戶先扃香草寒猶綠烟林暮轉青深

窗難得月高柳礙觀星獨喜忘時事僧言極可聽秀暉
舒淵

淵暉
舒秀

日夕聽波鳴危灘立不驚寒烟添竹色苦雨滴簷聲達

意言常省無營夢亦清楚詞休要學詞體失和平秀暉
淵舒

淵舒
舒秀

靜室無來客青松戶早關天寒雖日短身自伴僧閒竹

籠盛書去漁舟載鶴還城中如火熱尙隔幾重山暉舒
淵秀

秀舒
暉淵